

1. Iyo kurekurana ari iby'akanya gato, nk'igihe cyo guhinduranya vitesi;
2. Iyo bireba feri yo guhagarara umwanya munini, ubwo kurekurana ntibishoboka bidakozwe n'umuyobozi
3. Iyo kurekurana bireba feri y'urugendo cyangwa feri yo guhagarara, ufata feri bishobora no gukorwa ku buryo nyabwo bwavuzwe mu gika a) kibanza.

4. Feri ya za romoruki :

a) Buri romoruki uretse intoya, igomba kugira uburyo bwo gufata feri bukurikira:

1. *Feri y'urugendoni feri ituma ikinyabiziga kigenda buhoro cyangwa gihagarara ku buryo bwemewe, bwihuse kandi nyabwo uko cyaba kikoreye kose cyangwa kigeze ahacuranye cyangwa ahaterera.*
2. *Feri yo guhagarara umwanya munini ituma romoruki iguma aho iri uko yaba yikoreye kose ku muzamuko cyangwa gacuri bya 16%, imyanya ya feri igomba gufata igakomeza kwegerana ku buryo bw'ibyuma.*

Ibi ntibikurikizwa kuri za romoruki zidashobora kurekurana n'ibizikurura hadakoreshejwe ibikoresheho, hapfa kuba hubahirijwe ibyerekeye feri yo guhagarara umwanya munini ku binyabiziga byose.

b) Ibyo byose bituma feri y'urugendo na feri yo guhagarara umwanya munini bishobora kugira ibice bihuriyeho.

c) feri y'urugendo igomba gufunga ibiziga bya romoruki

d) Feri y'urugendo igomba kuba ishobora gukoreshwa n'igitegeka feri y'urugendo y'ikinyabiziga gikurura.

Nyamara, iyo uburemere ntarengwa bwemewe bwa romoruki butarenga kg 3500 feri y'urugendo ishobora gukorwa ku buryo ikoreshwa gusa n'uburemere, ni ukuvuga ukwegerana konyine kwa romoruki n'ikinyabiziga gikurura.

e) Feri y'urugendo na feri yo guhagarara umwanya munini zigomba gufuga imyanya yose ifashe ku biziga ku : buryo buhoraho hakoreshejwe ibyuma bihagije.

f) Uburyo bwo gufunga feri bugomba kuba buteye ku buryo romoruki yihagarika igihe ikiyiziritse gicitse . bigenda

Nyamara ibi ntibikurikizwa kuri za romoruki zifite umutambiko umwe cyangwa iz'imitambiko ibiri itandukanyijwe n'umwanya utageze kuri metero, uburemere ntarengwa bwazo bupfa gusa kuba butarenza kg 1500keretse makuzungu n'ubwo kandi, habariwemo inyuma ikizizirikanye, zaba zifite ikindi cyuma cya kabiri kizifashe nkuko biteganywa mu ngingo ya 71, 3, y'iri teka.

5. Ibyerekeye feri y'ubukomatanye rw'ibinyabiziga bikururana:

Uretse ibivugwa ku gika cya 4 n'icya 4 by'iyi ngingon byerekeye imodoka na romoruki iri yonyine ibinyabiziga bikomatanye bigomba na none gukurikiza aya mategeko:

a) Ibyuma byose bituma feri ifata bifunze kuri buri kinyabiziga, bigomba kuba bikora kimwe.

b) Uko feri y'urugendo ikora kugomba kuba kumwe kandi ku gihe kimwe kuri buri kinyabiziga kizitse ibikomatanze;

c) Uburemere ntarengwa bwemewe bwa romoruki idafite feri y'urugendo ntibushobora kurenga ½ cy'uburemere bw'ikinyabiziga gikurura n'ubw'umuyobozi.